

## ***U yanx chun u veta distritacion electoral te ich mexiko***

U winikirov mexiko kiru' tetku ts'urir u kajar yanu vetku voto. A jera sok yirire' ke puriove ket yo'or u kextikov u ts'urir u kajarov a temvik ti ejecutivo, legislativo yeje judicial. A legislativojo u veyajo u sikvetik ley ti ik kajar sok usu' apruevatik, a tera' ku rek veyaj' diputado yeje cenador. A diputadojo raji a ku chan representatik chan maja kajar ti congreso ti union a jera u yuchiru' veyaje oxp'ej yaxk'in

Urek voto winik ich mexiko rek vexkirio', soka kivi a wan ku kexta u chan ts'urir kajar ku jeskov tu ku vin man electoral sok usu rek irik winik mak ku vinu tete' ti u ts'urir u kajar. soka vexko us yirir muyanu' u winik chanrek maja distrito.

A constitución política ti mexiko ku ya'ak ke ich u rek kajar mexiko yan oxp'ej u bak yuk distrito, sok u chan rek maja kajare' usu' chan tetik u chan ts'urir u kajar a jera' ra'a ku yara' diputado federal.

### ***¿Vakira' distrito electorale'?***

A distrito electorale' u k'at yak ra' a tu ku rek man u p'is u rumin puri k'ajar, ki ru yirir viku kexta u tsurir chan maja kajar a jera' sok yirir mak a ray diputado ku vinu' representatech.

### ***¿Vakira' distritacion electorale'?***

Ra a ku vetik (INE) Instituto Nacional Electoral kiru yirik mun yan ditrito electoral ich u rek chan maja kajar yeje kerim kajar.

### ***¿Va' wira' jera'?***


Sok a distritijo us yirik mun yan u winik ich chan maja kajar yeje kerim kajar soka' vexko' us u ki irir mun winik yan titaro'.

### ***¿Vove' yan u veta a je' distritacion electorale'?***

Yanu' veta a je distritaciona' sok us yirir mun u ka' u keremir u kajar. a winiko' ku ch'iji ayank'ino ku shupu. yan make' tu rochpejer, tu kimin, ku kax ku way kiru kajar, ren ren ku veta a jera' yan kajare' ma yavu' winiki, ren yanu ka soykinta'a je' elctorale. Rena' jera ya un soykinta, sok usu' ki irir mun winik kajan ich i rum.

### ¿Vik yera' u regla a je distritaciona?

Kiru' veta a je distritaciona' ya un yirir mun winik kajan ichu' kajar sok a vexko' a municipio ma u sate soka' vexko yirire' pimonex yanon ichik kajar vexkirio' yan u yirir ketexik kor yejik rak'ob.



### ¿Ve ku veta' vik tava ku vi vetvir?

Ich u yaxk'inin 2016 yeje' 2017 a ineo' je u vetik distritacion ti federal, local ich u kajar Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco yeje Yucatán.

A ineo' je u rek manu' yese' viktava kavin venanek ich distritacion ti electoral yejeronex vexkiri' yeje a maka ku vey a ti político yejeru' ts'urir ik kajarex.

Ka vetava a je' vey a ti distritaciona' a ineo' je u sikvar yeje chan rek maja kajar sok yirir viktava ka vin veyanek, viktava ka vin p'atek sok a puriwinik yirik tu yan u way u distrito electoral.

### ¿Mak yan tera'?

A tera' ku k'uchur u winikirob partidos políticos, u ts'urir estatal yeje municipio.

### ¿Ve ku veta' viktava'ru' yirir?

ich u najir a tu yap' ku k'uchu' mak sok usu' yesati' u rek chan tsurir kajar. Viktavar ku vin veyajov. A tera'a je u yesa' viktavar kavin rek much'virov puri u chan rek winikirov kajar ich u distrito electoral, ti ku vin yese' viktavar ka vin rek t'anekev yejeru' ts'urir u kajar.

U ts'urir a kajarex je u tuxtik a va ku yirik ti u kajara a va' u k'at u rak'ob, soka vexko' ku ts'ikti' INE ich a tu ku much'kovuvej a wan ichu' wek'es kajariri'. A vexko' ya un yirik viktavar ka vi un vete' u chan way electoral ti wesito'onex, a INEO' je u yesik ti puri kajar u rik'ben way electoral.

Kiru' ki' veta a jera' a ineo' (INE) je u vey a yeje inali' (INALI) Instituto Nacional de Lenguas Indígenas, vexkiri' yeje cdi'(CDI) Comisión nacional para el desarrollo de los pueblos indígenas.

---

¿Mak usu' rek ika' jera'?

Urek chan maja kajar a temvikonex ket yejer uchan ts'urir ik kajar.

*¡K'ate'! puri u winiki' mexiko ¡much'avej!*